



Broj: 02-04-2-3452/22
Goražde, 04.10.2022 godine

Na osnovu člana 70. Zakona o javnim nabavkama ("Službeni glasnik BiH" br. 39/14, 59/22) u postupku javne nabavke radova za realizaciju Programa uređenja grada Goražda i prigradskih naselja za 2022. godinu, putem konkurentskog zahtjeva za dostavljanje ponuda, Gradonačelnik Grada Goražda donosi:

O D L U K U

o poništavanju postupka javne nabavke radova za realizaciju Programa uređenja grada Goražda i prigradskih naselja za 2022. godinu

I

Ovom Odlukom poništava se postupak javne nabavke radova za realizaciju Programa uređenja grada Goražda i prigradskih naselja za 2022. godinu.

II

Postupak nabavke se poništava zbog toga što je cijena prihvatljive ponude koja je dostavljena znatno veća od osiguranih sredstava za ovu nabavku što je u skladu sa članom 69. stav 2. tačka e. Zakona o javnim nabavkama.

III

Ova Odluka će se objaviti na web stranici Grada Goražda www.gorazde.ba sa istovremenim upućivanjem ponuđaču koji je učestvovao u ovom postupku javne nabavke..

O b r a z l o ž e n j e

Gradonačelnik Grada Goražda je dana 31.08.2022. godine donio Odluku broj 02-04-3-3452/22 o pokretanju postupka javne nabavke radova za realizaciju Programa uređenja grada Goražda i prigradskih naselja za 2022. godinu, putem konkurentskog zahtjeva za dostavljanje ponuda.

Na osnovu navedene odluke objavljeno je Obavještenje o javnoj nabavci na portalu javnih nabavki dana 20.09.2022. godine. Tenderska dokumentacija za ovu nabavku je objavljena takođe na portalu javnih nabavki i istu je preuzelo 6 zainteresiranih dobavljača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 29.09.2022. godine.

Komisija za provođenje procedure predmetne javne nabavke je dostavila Izvještaj u kojem je utvrđeno da je za nabavku radova za realizaciju Programa uređenja grada Goražda i prigradskih naselja za 2022 godinu u određenom krajnjem roku za dostavljanje ponuda, dostavljena ponuda ponuđača GPD „Drina” d.d. Goražde.

Komisija je konstatovala da ponuda ponuđača GPD „Drina” d.d. Goražde ispunjava uslove za učešće u pogledu lične situacije, sposobnosti za obavljanje profesionalne djelatnosti kao i tehničke i profesionalne sposobnosti, ali da je cijena ponude navedenog ponuđača u iznosu od 91.275,21 KM bez uračunatog PDV-a značajno veća od procjenjene vrijednosti nabavke, kao i od visine sredstava koja su osigurana za ovu nabavku.

Imajući u vidu da je cijena dostavljene prihvatljive ponude značajno veća od procjenjene vrijednosti za ovu nabavku koja procjena je izvršena na iznos od 60.372,78 KM bez uključenog PDV-a Komisija je predložila da se postupak nabavke radova za realizaciju Programa uređenja grada Goražda i prigradskih naselja za 2022. godinu poništi.

Na osnovu navedenog, a u skladu sa članom 69. stav 2. tačka e. Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđaču,
2. Služba za urbanizam, prostorno uređenje i komunalne poslove
3. u spis
4. a/a

